



Inatsisartuni ilaasortaq Sofia Geisler, Inuit Ataqaqtiit
/maani

Attartortitsisarneq pillugu § 37 naapertorlugu apeqquteqaammut 2018-306-imut akissut

10-12-2018
Suliaq normu: 2018-24883
Id normu: 35971947

Asasara Sofia

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1) Ininut inigineqanngitsunut nuuttoqartussanngortillugu nuuttussat qularnaveeqqusissummik ingerlaannaq akiliisinnaasut Inissiaatileqatigiit A/S INI-mit salliutinneqartarnerat eqqorpa?

Akissut: Inissianik attartortitsisarneq pillugu Inatsisartut peqqussutaanni nr. 2-mi, 12. maaji 2005-imeersumi (attartortitsisarnermut peqqussut) § 37, imm. 1-imi imatut allassimasoqarpoq;

”§ 37. Attartornerup aallartinnerani Namminersornerullutik Oqartussat kommunellu inissiaataanni attartortittakkani attartortut qularnaveeqqusiissut, qaammatini pingasuni ineqarnermut akiliutissap annertoqataanik annertussusilerneqartoq attartortitsisumut tamakkerlugu akilissavaat. Attartortup attartornerup aallartinnerani qularnaveeqqusiissutissaq tamakkerlugu akilersinnaanngikkuniuk, attartortup akiligassaq qaammatinut aqqaneq-marlunnut angeqqatigiinnut aggorlugu qaammatikkaartumik akilersorsinnaavaa, tak. imm. 7.”

Qularnaveeqqusiissutissaq aatsaat attartugassamut innersuussisoqareerneratigut – erngerluni imaluunniit akileraanissamik isumaqatigiissuteqarnikkut – akilerneqassaaq, taamaattumillu innersuussinissamut tunngavissaanngilaq.

INI A/S tamanna naapertorlugu ilisimatitsissuteqarpoq, attartortup attartornissamik isumaqatigiissuteqarnermini qularnaveeqqusiissummik tamakkiisumik akiliisinnaanera imaluunniit qaammatini arlalinni akilersuinissaa apeqqutaatinnagu tulleriarinerit malinneqartartut. Tassalu attartortut qularnaveeqqusiissut qanorluunniit iliorluni akilerneqaraluarpat assigiimmik pineqartussaapput.

Kisiannili attartortitsisarnermut peqqussummi § 37, imm. 6-imi allassimavoq, “Naafferartumik akilersuinissamik isumaqatigiissuteqarsinnaatitaaneq attartortunut ukiut pingasut kingullit iluanni attartorsimasaminni inigisamut aningaasartuutitut ingerlaavartunut akiliinngitsoortarnikkut sumiginnaasimasunut atuutinnngilaq”.

Tassalu attartortut ukiuni pingasuni siuliini akilersuinissamut isumaqatigiissutinik sumiginnaasimasut, qularnaveeqqusiissutissaq aqqaneq-marlunnut avillugu

akilersuinissamik isumaqatigiissuteqarsinnaanngillat, kisiannili attartulernerminni qularnaveeqqusiissutissaq tamakkerlugu akilertussaallugu.

Apeqquut 2) Ininut inigineqanngitsunut nuuttoqartussanngortillugu nuuttussat qularnaveeqqusissummik naafferartumik akilersuisinnaasut Inissiaatileqatigiit A/S INI-mit tunulliutinneqartarsimanerat eqqorpa?

Akissut: Apeqquut 1-imut akissut takuuk.

Apeqquut 3) Apeqquut 1 aamma 2 aappiuppata: Tamanna inatsimmik sumik tunngaveqarpa?

Akissut: Apeqquut 1-imut akissut takuuk.

Apeqquut 4) Apeqquut 1 aamma 2 aappiuppata: Inissarsiortut allattorsimaffianniinnissamut akiuliutaasartut soormita assigiippat, inissamik tunniussinermi qularnaveeqqusissut ingerlaannaq akilerneqarsinnaanersoq imaluunniit naafferartumik akilersuinissaq apeqquutaatinneqartarsimappata?

Akissut: Inissianut utaqqisut allattorsimaffiannut allatsinnermut akiliut qularnaveeqqusiissutip akilerneqarnissaanut attuumassuteqanngilaq. Inissianut utaqqisut allattorsimaffiannut akiliut pillugu attartortitsisarnermut peqqussummi § 7, imm. 2-mi imatut allassimasoqarpoq:

" Imm. 2. Inissarsiortoq utaqqisut allattorsimaffiannut ilaatinneqarnerminut akiliuteqartinneqartassaaq, aammalu ukiut tamaasa allatsissimanerup ingerlaqqiinnarnissaanik uppersaanermini akiliuteqartinneqartassalluni."

Aalajangersakkamut nassuiaatini allassimavoq, "Sullissinnermut akiliutissap angissusissaata aalajangerneqarnerani utaqqisut allattorsimaffiannik aqutsinnermut aningaasartuutit pisariaqartinneqartut matussutissaqartinneqassapput. Utaqqisut allattorsimaffiannut allatsinnermut atatillugu sullissinnermut akiliisitsisoqartassaaq aammalu ukiumoortumik uppersaaneranut atatillugu sullissinnermut akiliuteqartitsisoqartassalluni. Utaqqisut allattorsimaffiinnut qinnuteqartup allatsiffigisaanut tamavinnut sullissinnermut akiliisitsisoqassaaq."

Inussiarnersumik inuulluaqqusillunga



Karl Frederik Danielsen